



ლაგოდეხის მუნიციპალიტეტის მერის ბ რ ძ ა ნ ე ბ ა



ბრძანება:ბ92.92212781

თარიღი:05/10/2021

ლაგოდეხის მუნიციპალიტეტის მერიის კორუფციული რისკების შეფასების ანგარიშისა და თანმდევი დოკუმენტის 2022 წლის რისკების რეესტრის დამტკიცების შესახებ

„ადგილობრივი თვითმმართველობის კოდექსის“ საქართველოს ორგანული კანონის 54-ე მუხლის „ე“ პუნქტის „ე.ე“ და „ე.ვ“ ქვეპუნქტების შესაბამისად

ვ ბ რ ძ ა ნ ე ბ ა:

მუხლი1.დამტკიცდეს თანდართული „ლაგოდეხის მერიის კორუფციული რისკების შეფასების ანგარიში და თანმდევი დოკუმენტი 2022 წლის რისკების რეესტრი“ .

/საფუძველი:ლაგოდეხის მუნიციპალიტეტის მერიის კორუფციული რისკების შეფასებისა და სამოქმედო გეგმის შემუშავების მიზნით შექმნილი სამუშაო ჯგუფის ხელმძღვანელის ა/წლის 01 ოქტომბრის N92-922127446 მოხსენებითი ბარათი/.

მუხლი2.ლაგოდეხის მუნიციპალიტეტის მერიის მიერ კორუფციული რისკების შეფასების მონიტორინგი განხორციელდეს 2022 წლის განმავლობაში, ლაგოდეხის მუნიციპალიტეტის მერიის კორუფციული რისკების შეფასების ანგარიშისა და თანმდევი დოკუმენტის რისკების რეესტრის შესაბამისად.

მუხლი3.ლაგოდეხის მერიის კორუფციული რისკების მართვის გეგმისა და რისკების რეესტრის შესრულების კოორდინაციის მიზნით, პასუხისმგებელ პირად განისაზღვროს ლაგოდეხის მუნიციპალიტეტის მერიის „შიდა აუდიტის“ სამსახური.

მუხლი4.ლაგოდეხის მუნიციპალიტეტის კორუფციული რისკების შეფასების პროცესი განმეორდეს და ანგარიში განახლდეს ყოველწლიურად, პროგრესის განსაზღვრის მიზნით.

მუხლი5.ლაგოდეხის მუნიციპალიტეტის მერიის „კორუფციული რისკების შეფასების ანგარიში და თანმდევი დოკუმენტი 2022 წლის რისკების რეესტრი“ ინფორმაციისათვის მიეწოდოს მერიის სისტემაში მომუშავე თანამშრომლებსა და მერიის დაქვემდებარებულ ა(ა)იპირებს რისკების შეფასების მასშტაბიდან გამომდინარე, შესაბამისად, განემარტოთ რისკების შეფასებისა და ინტენსივობიდან გამომდინარე მოსალოდნელი რისკის ალბათობისა და გავლენის შესახებ, ასევე რისკების მართვის ღონისძიებების შესახებ.

მუხლი6.ბრძანება ძალაში შედის ხელმოწერისთანავე.

მუხლი7.ბრძანების გასაჩივრება შესაძლებელია საქართველოს კანონმდებლობით დადგენილი წესით, გაცნობიდან ერთი თვის ვადაში გურჯაანის რაიონულ სასამართლოში მის: ქ. გურჯაანი, სანაპიროს ქუჩა N24.

